

81.

Lindau, 1355 Mai 21.

Graf Rudolf von Werdenberg von Sargans¹ als Vogt der Kinder seines Bruders Hartmann von Werdenberg von Sargans zu Vaduz³ und Graf Albrecht von Werdenberg-Heiligenberg² teilen ihre Rechte in der Grafschaft Walgau.

Ich Graue Rüdolff von werdenberg genant von s a n t G a n s¹. vnd ich Graue Albrecht von werdenberg der elter² Tügind kvnt vnd vergehent öffentlich An disem brief Allen den die in Ansehent oder hörent lesen . . Vmbe die Gräfschaft in w a l g ö w e . vnd vmb dū recht vnd Stuke, dar vmbe / ich . . der vorgenant Gräf Rüdolff von S a n t G a n s¹, An Grauen Hartmans von w e r - denberg, mines lieben brüders såligen kind³ stat vnd von iro wegen wan ich iro gerechter vogt bin, mit dem obgenanten Grauen Albrecht von werdenberg², vntz vf den hütigen tag, als dirre brief geben ist, stössig gewesen / bin, dis nachgeschribenen stuk vnd Richtvng zeende bracht vnd vollefüret hanjt, als hie nach beschaiden ist Von erste vergich ich vorgenanter Graue . . albrecht von w e r d e n b e r g² für mich vnd für min erben, das ich mich gen den obgenanten Grauen Hartmans kinden³, vnd gen iren erben entzigen han vnd / entziche, der vorgenanten Gräfschaft . . das weder ich noch min erben, si dar an nit irren noch krenken süllint, won also vnd mit sölchem gedingde das mir vnd minen erben, vnd den vorgenanten . . Grauen Hartmans kinden³ vnd iren erben, dis nachgeschribenen recht vnd stuke. zeietwederm taile / behalten sont sin, als hienach mit worten verschrieben vnd beschaiden ist, . . Ez ist berett vmbe harkomen lüt⁴, alle die lüte, die ich vorgenanter Graf . . albrecht² vntz vf den hütigen tage als dirre brief geben ist inne hab, die sont min vnd miner erben sin, vnd vns vnansprächig beliben, von Graue Hartmans / kinden³ vnd von iren erben . . was lüt aber hinnenhin, von dem hütigen tag, in w a l g ö w e , ald in M o n t a f v n züchent ald sesshaft werdent, oder do wönent, die sont den vorgenanten Grauen Hartmans kinden³ vnd iren erben beliben vnd vnansprächig sin von mir vorgenanten Graue . . al b -